

ՄԻՋՆԱԴԱՐՅԱՆ ՄԻ ՆՈՐԱՀԱՅՏ ՀՈՒՇԱՐՁԱՆ

Աղբրեջանական ՍՍՀ Շահումյանի շրջանում պահպանված հայերեն վիճակա՝ արձա-
նագրությունները որոշակի արժեք են ներկայացնում հայ ժողովրդի պատմության առանձին
հարցերի ուսումնասիրության տեսանկյունից: Դեռևս անցյալ դարի վերջերին Մակար Բարխու-
տարյանը լինելով Արցախի այս կողմերում, կարևոր տեղեկություններ է հավաքել բոլոր գյու-
ղերի, անգամ հին գյուղատեղերի վերաբերյալ, արտագրել բազմաթիվ վիճակա՝ ու մատենա-
կան գրություններ: Դրանք հրապարակվել են գլխավորապես նրա «Արցախ» աշխատության մեջ¹:
Մակայն որոշ հուշարձաններ, գտնվելով հիմնական ճանապարհից հեռու, անփոփոխ պահպանվե-
ր: խիստ անտառների մեջ, դուրս են մնացել երախտաշատ գիտնականի տեսագաղտից:

Խրխափոր գյուղից դեպի Գյուլիստան տանող ճանապարհի աջ կողմում (մոտ 300 մ հեռա-
վորություն վրա), «Մանդուհեն աղբյուր» կոչվող վայրում, անտառի մեջ մի կիսավեր եկեղեցի
կա: «Մանդուհեն»-ը, որ տեղի բարբառով «մատուռ» է նշանակում, անշուշտ շփոթություն է այս
եկեղեցու հետ, որից էլ աղբյուրի անունն է առաջացել: Եկեղեցու տանիքը իջել է, կառույցը
հողի հաստ շերտով է ծածկվել, և դուրս ցցված երևում է միայն պատերի վերին շրջագծերը²:
1—2 մ բարձրությամբ: Մուտքի կամարակապ ճակատաքարի վրա, որ ներկայումս գտնից
հաղիվ կես մետր է բարձր, անխաթար պահպանվել է եկեղեցու շինարարական արձանագրու-
թյունը³ (նկ. 1):

Քիտն : ԶԱ, էՐ

ԿԱՄԱՆ ԱՅ ԵՍ ԵԼՈՏ

ԵԻ ԵՂԵՐ ԻՄ ԱՌՏԱՐ ԵԻ / ՈՐԴԻ

ԻՄ / ԵՆՈՔ ԵԱՆԵՑԱՔ ԶԵԿԵՂԵՑԻՍ

ՑԻՇԱՏԱԿ ՄԵՋ ԵԻ ՆՋԵՑԵԼՈՑ ՄԵՐՈՑ Ի

ՀԱՅՐԱՊԵՏՈՒԹՅՈՒՆ ՏՐ ՆԱՐՍԻՍԻ ԱՄԻՐ

ՈՒԹԻ ԻԻԱՆԻ ԵԻ ՎԱՐՀԱՄՇԱԼԻ

1252 թ. Աղվանից կաթողիկոսը իրոք ներսես էր՝, իսկ թե ովքեր են արձանագրության
մեջ հիշատակված իվանն ու Վարհամշահը, մեզ չհաջողվեց պարզել: Հուշարձանը գտնվում է
այնպիսի վայրում, որ կարող է ծայրաշրջան համարվել թե՛ Վահրամյանների, թե՛ Խաչենի
իշխանության համար: Արդյո՞ք նրանց միջև եղել է մեկ այլ վարչական միավոր՝ ամիրայու-
թյուն, թե՛ առանց պարզապես հիշատակված են այդ իշխանական տներից մեկի ներկայացու-
ցիչները կամ տեղի մանր իշխանավորները: Հայտնի է, որ Վահրամյան իշխան Աղբրեջան ունե-
ր Վահրա՞մ, Զաքարե, Իվանն որդիներ⁴, սակայն բավարար հիմքեր չունենք այս ավագ ու կրտսեր
եղբայրներին նույնացնելու արձանագրության իվանի ու Վարհամշահի հետ:

¹ Մ ա կ ա Ր Ե ա ի ս. Բ ա Ր խ ու տ ա Ր յ ա ն ց, Արցախ, Բագու, 1895, էջ 240—257:

² Տասնամյակներ առաջ այս արձանագրությունը կարդացել և շրջանում շատերի ուշագրու-
թյունն է նրա վրա հրավիրել Ղարալինար գյուղի բնակիչ Հայկ Ավետյանը: Այս մասին մեզ
տեղյակ պահեցին և որոշ վիճագրեր երևան հանելու հարցում օգնեցին Շահումյան ավանի բնա-
կիչներ Քոթոր Տրունյանը և Կարեն Զիրքիյանը, որի համար մեր շնորհակալությունն ենք
հայտնում:

³ Կ ի Ր ա կ ո ս Գ ա ն ձ ա կ ե ց ի, Պատմություն Հայոց, աշխատասիրությամբ Կ. Ա. Մե-
լիք-Օհանջանյանի, Երևան, 1961, էջ 392:

⁴ Նույն տեղում, էջ 163:



Յկեղեցու մուտքի մոտ կիսով չափ հողի մեջ խրված գեղեցիկ խաչքար կա՝ գրության հետ-
քերով: Մենք այն դուրս հանեցինք հողից, սակայն գրությունը վերջանել չհաջողվեց: Հյուսի-
սահայաց պատի մոտ, 4—5 մ հեռավորության վրա, մեկ այլ խաչքար է գտնվում՝ ընթեռնելի
գրությամբ:

[ԹՎԻՆ] ՌԻԱ ԵՍ ՄԽԻ

[Թ] ԱՐ ԿԱՆԳԵՑԻ ԶՄԲ

ՆՇԱՆՍ Ի ԲԱՐԵԱՅԵԱՒՍՈՒԹԻ

ԾՆՈՂԱՅ ԻՄՈՑ

Յկեղեցու ներսում հողից հանեցինք շքեղ ու նրբանախշ մի խաչքար, որի վրա, սակայն
գրություն չկա:

Արևմտյան պատի տակ գտնվում է մի խոշոր գերեզմանաքար, երկու երեսներին վեցական
խորաններով, նրբահյուս նախշերով ու քանդակներով: Այն արևմտյան կողմի վրա ունի այս-
պիսի գրություն՝

..... ՏՐ ՈՂՆՍ ԿՆԵՑԻ / ԶԽՉՍ ԿՆԵԱԿՑԻՆ / ԻՄ ՀՌՈՒՄԻՆ /
ՀՕՐՆ ԱՂ.. Ն / ՄՕՐՆ ՓԵՐԻՆ ԵՂԲՕՐՆ ՎԱՐԴԱՆԻՆ ՕՆ.....

Խորանների վերևում, քարի երկարությամբ հետևյալ գրությունն է. ԹՎ / Ռ. / ԿԲ / ՀՌԳՈՑՆ,
(շարունակվում է հակառակ երեսին, նույն տողով) ԳԴՀ ՎՐԻՆ / ՍԱԿ / ԽՆԴ. ԵՄ:

Այս հուշարձանի պեղումները կարող են ի հայտ բերել նոր փաստեր ու թերևս այդ գեպ-
քում հնարավոր լինի ճշտել հյուսիս-արևելյան Հայաստանի հիշյալ երկու ազդեցիկ իշխանու-
թյունների սահմանը այս հատվածում՝ Մռավ սարից հյուսիս և Ալահաղկից (այժմ՝ Քյափաղ
լեռ) հյուսիս-արևելք:

ԿԻՄ ՂԱՀՐԱՄԱՆՅԱՆ